

## جدل في مصر بعد تصريحات شريف مذكور عن "المحجبات" وأنها أسوأ من العاريات!!



واستنكر شريف مذكور ارتداء بعض المحجبات ملابس لا تناسب قناعتهم بأن "الحجاب فريضة"، وتكون "مجسمة"، حسب وصفه.

وقال مذكور في بث مباشر له عبر صفحته الرسمية على "فيسبوك": "عندي في البرنامج محدد أن أي واحدة محجبة تدخل عندي وتطلع تصور لازم تكون لابسة ما لا يصف ولا يشف، لأن أنا باعرض برنامج وشاشة وبورتي صورة المصريين، وبقيت ألاحظ أن بيجيلي ضيوف محجبات لابسين طرحة مغطيين راسهم، ولايسين بدي وهم ممتلئات شوية، وكل جسمهم متفصّل، وبنطلون ضيق جدًا وجزمة بكعب كبيرة، وميكب كامل ورموش كبيرة".

وأضاف الإعلامي: "كل واحد حر في لبسه، وعمري ما هاتدخل في شؤون حد؛ لكن بالنسبة إليّ ده مش هيطلع على الشاشة، فحطيت قواعد إن أية سيدة محجبة تظهر عندي في البرنامج، لازم تكون لابسة فضاخ ومش ألوان صاخبة، ولو هتلبس بنطلون يكون واسع".

وتابع الإعلامي: "بعضهم بيستنكرون ده ويقولوا لي إني باطلع ناس لابسين عريان، ردي أن هي مش محجبة،

لكن المحجبة هي اللي اختارت تكون محجبة وهي شايفة إن ده فرض وله شكل ما لا يصف ولا يشف، والمحجبة شايف أنها بتتنازل شوية عن جمالها وما تبقاش لافتة للنظر، فإزاي حضرتك بتتجيب وشايفة إن ده فرض، والمفروض تكوني مش لافتة للنظر وأنتِ لابسَة مجسم تمامًا".

واستطرد مذكور: "ساعات باشوف محجبات بيجوا لي في البرنامج لابسين حاجات مجسمة، مش بتلبسها اللي مش محجبة! وبدأ يحصل مشكلتات والضيوف تتخانق معنا ويزعلوا؛ لكن على الشاشة مش هطلع صور بلدي أو ديني، حد يقول إيه ده".

واستكمل شريف مذكور: "فيه بعض المذيعات والإعلاميات المحجبات بيطلعوا على الشاشة بيقوا حاطين ميكب كثير أوي ورموش ثقيلة كثيرة أوي، وهمَّ واجهة والناس بتقلدهم.. ونيتي الحفاط على الشكل، ويا إما نتحجب ويكون فيه التزام ونستغنى عن بعض الحاجات عشان ربنا، وعشان الثواب؛ لكن هنتدلع في النص ما تقوليش إنه فرض، ساعتها قل لي إنه فضيلة، لأن الفرض يكون فيه التزام وما ببقاش فيه شكل استفزازي".

المصدر: موقع مصراوي